


Broj: 03-017-2057/2018
Dana; 06.04.2018.godine



SKUPŠTINA UNSKO-SANSKOG KANTONA

PREDMET: Program rada sa finansijskim planom za 2018. godinu ZU Zavoda za javno zdravstvo Unsko-sanskog kantona, dostavljaju se

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Program rada sa finansijskim planom za 2018. godinu ZU Zavoda za javno zdravstvo Unsko-sanskog kantona, uz sljedeće:

O b r a z l o ž e n j e


Vlada Unsko-sanskog kantona je na sjednici održanoj dana 06.04.2018.godine razmatrala i Zaključkom broj: 03-017-2057/2018, prihvatila Program rada sa finansijskim planom za 2018. godinu ZU Zavoda za javno zdravstvo Unsko-sanskog kantona, predlagača Ministarstva zdravstva, rada i socijalne politike, koji vam se upućuje na razmatranje

S poštovanjem,

Prilog: Program rada sa finansijskim planom za 2018. godinu ZU Zavoda za javno zdravstvo Unsko-sanskog kantona (6x)

Dostavljeno:
1.Naslovu
2.a/a (2x)

PREMIJER KANTONA
dr.sci. Husein Rošić



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona, na sjednici održanoj dana 06.04.2018.godine, d o n o s i :

ZAKLJUČAK

I

Prihvata se Program rada sa finansijskim planom za 2018. godinu ZU Zavoda za javno zdravstvo Unsko-sanskog kantona i upućuje se Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-2057/2018
Bihać; 06.04.2018. godine

PREMIJER KANTONA
dr.sci. Husein Rošić



09 Xd
1035

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona, na sjednici održanoj dana 08.03.2018.godine, d o n o s i

ZAKLJUČAK


I


Vraća se na doradu Program rada sa finansijskim planom za 2018. godinu ZU Zavoda za javno zdravstvo Unsko-sanskog kantona, da se finansijski plan istog za 2018.godinu uskladi sa planskim aktivnostima.

II

Ovaj Zaključak stupa na snagu danom donošenja.

Broj: 03-017-1929/2018
Bihać; 08.03.2018. godine





Na osnovu člana 17. Statuta Zdravstvene ustanove Zavod za javno zdravstvo USK – a Bihać i člana 22. Poslovnika o radu Upravnog odbora Zdravstvene ustanove Zavod za javno zdravstvo USK– a, Upravni odbor Zdravstvene ustanove Zavod za javno zdravstvo USK– a Bihać, na V-oj. redovnoj sjednici održanoj dana 26.03.2018.godine donio je slijedeću:

ODLUKU

I
Usvaja se Program rada Zdravstvene ustanove Zavod za javno zdravstvo USK-a za 2018.godinu, sa izmjenjenim finansijskim planom.

II

Odluka stupa na snagu danom donošenja.

Broj: 50/18
Datum: 26. 03..2018.godine




Predsjednik Upravnog odbora
ZU Zavod za javno zdravstvo USK-a

[Signature]
Altić dr. Ino

Dostavljeno:

- Ministarstvo zdravstva i socijalne politike
- Direktor
- Službi računovodstva
- a/a UO





ZDRAVSTVENA USTANOVA
**ZAVOD ZA JAVNO
ZDRAVSTVO USK**

Broj: 510 /2018.
Datum: 26.03 /2018.

Na osnovu člana 17. Statuta Zdravstvene ustanove Zavod za javno zdravstvo USK-a Bihać i člana 22. Poslovnika o radu Upravnog odbora Zdravstvene ustanove Zavod za javno zdravstvo USK-a, Upravni odbor Zdravstvene ustanove Zavod za javno zdravstvo USK-a Bihać, na V-oj redovnoj sjednici održanoj dana 26.03.2018.godine donio je sljedeću


ODLUKU

I.

Usvaja se informacija o postupanju prema Zaključku Vlade Unsko-sanskog kantona broj:03-017-1929/ 2018.godine od 08.03.2018.godine.

II

Odluka stupa na snagu danom donošenja.



Predsjednika Upravnog odbora
ZU Zavod za javno zdravstvo USK-a

Alić dr. Ino

Alić dr. Ino

Dostavljeno:
-predsjedniku i članovima UO
- direktoru
- a/a UO

Zdravstvena ustanova
**ZAVOD ZA JAVNO
ZDRAVSTVO USK-a**

JIB: 4263201190008
A: Dr. Irfana Ljubijankića bb
77000 Bihać, BiH

T/F: +387 37 35 17 99; 35 18 00
E: zjzusk@bih.net.ba
W: www.zjzusk.com.ba





ZDRAVSTVENA USTANOVA
**ZAVOD ZA JAVNO
 ZDRAVSTVO USK**

Broj:
 439/18

Datum: 27-03-2018

1340

OC

BOSNA I HERCEGOVINA			
FEDERACIJA BOSNE I HERCEGOVINE			
UNSKO-SANSKI KANTON			
BIHAĆ			
Datum: 27-03-2018			
Broj: 09-37-3858-1/18	Redni broj: 1/18	Broj: 09-37-3858-1/18	Broj: 09-37-3858-1/18

VLADA Unsko-sanskog kantona
 putem
Ministarstva zdravstva, rada i socijalne politike

PREDMET: Program rada sa finansijskim planom za 2018.godinu
ZU Zavoda za javno zdravstvo veza Vaš akt broj:03-017-1929/2018
od 08.03.2018;-dostavlja se

Poštovani,

U skladu s Vašim Zaključkom broj:03-017-1929/2018 od 08.03.2018.godine zaprimljenim u našu Ustanovu pod brojem 212/18 od 15.03.2018.godine, upućujemo Vam Program rada sa finansijskim planom za 2018.godinu ZU zavoda za javno zdravstvo USK-a, usklađen na način utvrđen Vašim gornjim aktom.

S poštovanjem,

Dostavljeno:

Naslovu
 - a/a



DIREKTOR:
 prim. dr. Zafina Mulabdić
 spec. epidemiolog



Broj: 439/18
Datum: 27-03-2018

**PROGRAM RADA SA FINACIJSKIM PLANOM
ZDRAVSTVENE USTANOVE ZAVODA ZA JAVNO ZDRAVSTVO
UNSKO-SANSKOG 2018. GODINU**

LIČNA KARTA

NAZIV : Zdravstvena ustanova zavod za javno zdravstvo USK

SJEDIŠTE: Bihać

ADRESA : Dr.Irfana Ljubijankića bb, Bihać

DJELATNOST : Javno – zdravstvena djelatnost sekundarnog nivoa

PRAVNI STATUS: Javno - zdravstvena ustanova

IDENTIFIKACIINI BROJ: 4263201190008

TELEFON : 037/ 351-799 , 351-800

E-mail : zizusk@bih.net.ba

Web stranica: www.zizusk.com.ba

ODGOVORNA OSOBA: Prim.dr. Zarina Mulabdić, specijalista epidemiolog

BROJ ZAPOSLENIH : 38 zaposlenih na neodređeno. Također je u Zavodu zaposlen 1 pripravnik sa VŠS, te 3 zaposlenika sa Ugovorom na određeno vrijeme.

Sadržaj Programa rada:

• Uvodne napomene	str.....	1
• Ciljevi u radu i poslovanju za 2018. godinu	str.....	3
• Program rada po službama	str.....	6
• Financijski plan za 2018. godinu	str.....	21

UVOD

OPĆE KARAKTERISTIKE

Zdravstvena ustanova Zavod za javno zdravstvo Unsko - sanskog kantona vodi brigu o javnom zdravlju na području Kantona. Pod javnim zdravljem podrazumijeva se ostvarivanje javnog interesa stvaranjem uslova za očuvanje zdravlja stanovništva putem organizovanih sveobuhvatnih aktivnosti društva usmjerenih na očuvanje fizičkog i mentalnog zdravlja, odnosno očuvanje životne okoline, kao i sprečavanje pojave faktora rizika za nastanak bolesti i povreda, koji se ostvaruje primjenom zdravstvenih tehnologija i mjerama namjenjenim za promociju zdravlja, prevenciju bolesti i poboljšanje kvaliteta života (Zakon o zdravstvenoj zaštiti FBiH „Službene novine FBiH“ broj: 46/10).

Javno zdravstvo je djelatnost koja se bavi zdravljem stanovništva kroz promotivno - preventivne aktivnosti na jačanju zdravlja, prevenciju oboljenja kroz međusektorsko djelovanje u sistemu zdravstva. Promocija zdravlja teži stvaranju preduvjeta povoljnog okruženja. To okruženje čine vlada, zdravstvo, privreda, nevladine udruge, lokalna zajednica, mediji.

Zdravstvenu ustanovu Zavod za javno zdravstvo Unsko – sanskog kantona je na prijedlog Vlade osnovala Skupština USK-a aktom br. 01 -1-52/98 („Službeni glasnik USK-a“ broj: 9/98).

Svoju djelatnost za područje kantona obavlja prema članu 45. Zakona o zdravstvenoj zaštiti FBiH („Službene novine FBiH“ broj: 46/10) i prema Standardima i normativima zdravstvene zaštite iz obaveznog zdravstvenog osiguranja („Službene novine FBiH“ broj: 5/03,6/11).

Djelatnost javnog zdravstva obuhvata djelatnost socijalne medicine i organizacije sa ekonomikom zdravstva, epidemiologije, higijene i zdravstvene ekologije, sanitarne mikrobiologije, sanitarne hemije i preventivne zdravstvene zaštite mladih u školama i fakultetima.

Zdravstvena ustanova Zavod za javno zdravstvo ovu djelatnost obavlja putem svojih specijalističkih službi, a u skladu sa članom 43. i 45. Zakona o zdravstvenoj zaštiti FBiH („Službene novine FBiH“ broj: 46/10) i prema Standardima i normativima zdravstvene zaštite iz obaveznog zdravstvenog osiguranja („Službene novine FBiH“ broj: 5/03,6/11).

Obavezne službe Zavoda su:

1. Služba socijalne medicine i organizacije zdravstva sa zdr. statistikom i informatikom
2. Služba epidemiologije
3. Služba higijene i zdravstvene ekologije sa sanitarnom hemijom
4. Služba mikrobiologije
5. Služba preventivne zdravstvene zaštite mladih u školama i fakultetima

Prema Pravilniku o unutrašnjoj organizaciji i sistematizaciji radnih mjesta zdravstvene ustanove Zavod za javno zdravstvo USK-a, u Zavodu pored obaveznih specijalističkih službi postoje i služba za opće, pravne i kadrovske poslove i služba računovodstva.

U Zavodu radi 38 uposlenika. Kadrovska struktura popunjenih radnih mjesta je sljedeća: VSS - 11, VŠS - 8, SSS - 14, KV - 2, NK - 3. Također Zavod zapošljava 3 pripravnika od čega 1 sa VSS i 2 sa SSS te 6 zaposlenika sa Ugovorom na određeno vrijeme od čega su 2 doktora medicine.

Prosječni lični dohodak za 2017. godinu iznosio je 1.132,45KM.

Napominjemo da je ZU Zavod za javno zdravstvo Unsko – sanskog kantona od augusta mjeseca 2015. godine funkcionisao bez Upravnog odbora, u periodu april – juli 2015. godine Ustanova je funkcionisala sa privremenim Upravnim odborom, kao i u periodu od marta do juna 2017. godine. Od jula 2015 rad Ustanove opet je nastavljen bez organa uravljanja sve do decembar 2017. godine kada je imenovan stalni Upravni odbor.

NORMATIVNI DIO – PROGRAMIRANJE RADA

Sve obaveze Zavod za javno zdravstvo Unsko - saskog kantona programira prema sljedećim subjektima:

1. Ministarstvu zdravstva Unsko - saskog kantona,
2. Zavodu zdravstvenog osiguranja Unsko - saskog kantona,
3. Zdravstvenim ustanovama na području Kantona,
4. Federalnom zavodu za javno zdravstvo,
5. Federalnom ministarstvu zdravstva,
6. Obrazovnim ustanovama na području USK-a i FBiH,
7. Drugim fizičkim i pravnim licima.

Rad, kao i ostvarivanje programskih aktivnosti u 2018. godini rezultat su rada i poslovanja u 2017. godini, potpisanog Ugovora o finansiranju sa Zavodom zdravstvenog osiguranja za tekuću godinu, te vlastitog rada i poslovanja planiranog za 2018. godinu.

Rad i finansiranje Zavoda za javno zdravstvo sekundarnog nivoa vrši se prema Standardima i normativima („Službene novine FBiH“ broj: 5/03) i Naredbi o standardima i normativima zdravstvene zaštite iz obaveznog zdravstvenog osiguranja („Službene novine FBiH“ broj: 6/11). Standardima i normativima je tačno određeno šta je javno zdravstvo sekundarnog nivoa u obavezi raditi za Zavod zdravstvenog osiguranja i Vladu kantona.

Zavod za javno zdravstvo je zdravstvena ustanova čija se djelatnost po Zakonu ne može privatizirati, a čiji opstanak je nemoguć bez podrške osnivača ne samo u financijskom smislu već i u implementaciji legislative iz oblasti javnog zdravstva.

Na osnovu člana 52. stav 2. Zakona o zdravstvenoj zaštiti („ Službene novine FBiH“ broj: 46/10) i tačke XIII st. 3 i 4. Odluke o utvrđivanju osnovnog paketa zdravstvenih prava („ Službene novine FBiH“ broj: 21/09), po prethodno pribavljenom mišljenju Zavoda zdravstvenog osiguranja kantona, kao i uz prethodnu saglasnost ministra zdravstva Federacije BiH, Upravno vijeće Zdravstvenog osiguranja i reosiguranja FBiH utvrdilo je Jedinstvenu metodologiju kojom se bliže utvrđuju kriteriji i mjerila za zaključivanje ugovora između nadležnog Zavoda zdravstvenog osiguranja i zdravstvene ustanove.

Na osnovu ove metodologije Zavod zdravstvenog osiguranja USK uz saglasnost Ministarstva zdravstva zaključio je Ugovore o poslovnoj suradnji sa zdravstvenim ustanovama za 2018. godinu.

Ukupni godišnji prihod Zavoda kreće se oko 1.769.788,00 konvertibilnih maraka.

Očekivani godišnji prihod Ugovora sa Zavodom zdravstvenog osiguranja za 2018. godinu iznosi 829.788,00 KM. Ostatak privređujemo vlastitim radom.

Finansiranje iz vlastitog rada planirali smo kroz :

- kontrolu hrane i vode,
- uspostavu bolje koordinacije sa inspekcijskim organima,
- kontinuirani zdravstveni nadzor nad zaposlenim u proizvodnji i prometu hrane,
- zdravstveno - prosvjetni rad,
- komercijalnu vakcinaciju,
- uspostavom DDD službe.

Plan i program Zavoda USK-a, te obaveze koje proizilaze iz istog utvrđen je Zakonom o zdravstvenoj zaštiti („Službene novine FBiH“ broj: 46/10), a isti je dopunjen ciljevima za 2018 godinu, čija implementacija ima također za svrhu očuvanje i unapređenje zdravlja stanovništva USK-a.

CILJEVI U RADU I POSLOVANJU ZA 2018. GODINU

Isti će se temeljiti prvenstveno na multisektorijskom pristupu sa relevantnim subjektima odgovornim za očuvanje i unapređenje zdravlja stanovništva USK-a, a koje će se očitovati daljnjim kontinuitetom uvezivanja sa:


- **Kantonalnom sanitarnom inspekcijom** u smislu boljeg nadzora nad kliconoštvom i poboljšanjem epidemiološke situacije;
- **Veterinarskim sektorom** u smislu nadzora i prevencije zoonoza prvenstveno bruceloze i rabiesa;
- **Zdravstvenim ustanovama Kantona** kroz iznalaženje zajedničkih smjernica za poboljšanje rada istih, a za dobrobit stanovništva, **sa težištem na razvoj Kantonalne bolnice "Dr.Irfan Ljubijankić" Bihac** kroz sprovođenje tercijarne zdravstvene zaštite u određenim djelatnostima iste;
- **Vodovodnim preduzećima** kroz poboljšanje nadzora nad lokalnim vodovodima u cilju prevencije oboljenja koja se prenose putem zdravstveno neispravne vode;
- **Medijima** kroz zajednički rad na podizanju svijesti stanovništva Kantona a sa ciljem promocije zdravlja i prevencije bolesti;
- **Visokoškolskim i srednjoškolskim ustanovama** kao nastavnom bazom za iste;
- **Zavodima na teritoriji Bosne i Hercegovine** kroz razmjenu iskustava sa istim;

DALJNI PRIORITETI ZAVODA BILI BI:

- Jačanje i razvoj ljudskih resursa;
- Razvoj kapaciteta za implementaciju projekata (planska edukacija kadra u okviru projekata, u cilju ovladavanja savremenim tehnikama rada);
- Nabavka i redovno održavanje opreme i kancelarijskog namještaja;
- Unapređenje rada laboratorijske dijagnostike kroz nabavku nedostajuće opreme;
- Nabavka vozila za proširenje djelatnosti Ustanove;
- Planiranje poboljšanja energetske efikasnosti (ugradnja dodatnog stakla, obnova postojeće fasade, rekonstrukcija krova) kroz implementaciju prijedloga projekta "Analiza energetske efikasnosti građevinskog objekta";
- Poboljšanje medijske informiranosti stanovništva, prvenstveno roditelja o značaju vakcinacije zbog sve prisutnijih antivakcinalnih kampanja, kao i poboljšanje vakcinalne pokrivenosti;
- Sprovođenje programa "Obavezne sistematske deratizacije na USK"(proljeće, jesen);
- Daljnje aktivnosti na izmjeni Zakona o sprovođenju mjera DDD, a posebno u dijelu koji se odnosi na edukaciju nosioca djelatnosti ovih mjera (Zavod za javno zdravstvo), kontinuiranu edukaciju neposrednih izvršioaca ovih mjera na terenu i aktivnosti vezane za implementaciju sprovođenja obavezne sistematske deratizacije Kantona što je i zakonska obaveza;
- Proširenje spektra fakultativne vakcinacije, a prema aktuelizaciji tj. potrebama, ;
- Obezbjedeđenje redovnog protoka informacija utvrđenih Zakonom prema svim relevantnim subjektima;
- Izrada analize Pregleda zdravstvenog stanja stanovništva, rada javnozdravstvenih ustanova i organizacije zdravstvene zaštite na području USK-a za 2017 godinu prema predviđenim zakonskim rokovima;

- Kontinuirano periodično – statističko izvještavanje prema Zakonu o evidencijama („Službene novine FBiH“ broj: 37/12);
- Sprovođenje Programa prevencije karcinoma grlića materice za područje Unsko – sanskog kantona- Pilot projekat na općini Bosanski Petrovac, a po dobijanju saglasnosti Ministarstva zdravstva i obezbjeđenju finansijskih sredstava za isti;
- Sprovođenje Programa prevencije karcinoma jetre primjenom vakcine protiv Hepatitisa “B” kod zdravstvenih radnika, nakon dobijanja saglasnosti Ministarstva zdravstva i obezbjeđenju finansijskih sredstava za isti;
- Kontinuirana primjena i poboljšanje efektivnosti uspostavljenog integriranog sistema upravljanja kvalitetom laboratorija prema BAS EN ISO/IEC 17025/2006;
- Kontinuirano sprovođenje antropometrijskih mjerenja, skrininga kičmenog stuba i sluha, zdravstvenog odgoja (predavanja, radionice, anketiranje);
- Uspostavljanje savjetovališta za školsku djecu i omladinu
- Organiziranje i sprovođenje preventivnih pregleda vida;
- Organiziranje i sprovođenje preventivnih pregleda sluha, po nabavci aparature;
- Nastavak realizacije Programa ranog otkrivanja kolorektalnog karcinoma na području općina Kantona (Program izrađen u drugoj polovini 2015. godine, te u decembru mjesecu 2015. godine dobio saglasnost Ministarstva zdravstva i soc.politike USK-a);
- Kontinuirani nadzor nad higijensko – sanitarnim stanjem u školama i objektima gdje borave učenici i studenti;
- Nastavak aktivnosti na promovisanju zdravih stilova života i obilježavanju Svjetskih dana prema Kalendaru zdravlja, odnosno smjernicama Svjetske zdravstvene organizacije;
- Sprovođenje nadzornog audita i provođenje tranzicije audita za sistem upravljanja kvalitetom BAS EN ISO 9001/2015;
- Rekonstrukcija postojećeg prostora ZU ZZJZ USK-a za potrebe službe DDD;
- Obezbjedenje uslova za certificiranje službe DDD Zavoda, sprovođenjem zakonom propisanih normi;
- Formiranje službe za DDD ZU ZZJZ USK-a;

ORGANIZACIJSKA SHEMA ZAPOSLENIH U ZZJZ USK-a



PROGRAM RADA ZAVODA ZA JAVNO ZDRAVSTVO USK ZA 2018. GODINU KOJI SE FINANSIRA IZ SREDSTAVA ZAVODA ZDRAVSTVENOG OSIGURANJA USK

1. PROGRAM RADA SLUŽBE SOCIJALNE MEDICINE I ORGANIZACIJE ZDRAVSTVA SA ZDRAVSTVENOM STATISTIKOM I INFORMATIKOM

RAD SLUŽBE OBUHVATA:

STANOVNIŠTVO

U okviru podsistema stanovništvo, Zavod ima razvijen monitoring demografskih i vitalnih kretanja, evidenciono-statističkog praćenja morbiditeta, mortaliteta i drugih pozitivnih i negativnih parametara zdravlja.

Statistički podaci se sumiraju svaka 3 mjeseca, a svakih 6 mjeseci upućuju nadležnim institucijama (Zavodu zdravstvenog osiguranja, Ministarstvu zdravstva USK-a, Zavodu za javno zdravstvo F BiH).

ROK: polugodišnji.

Po prikupljenim podacima iz osam domova zdravlja Kantona, Kantonalne bolnice, Opće bolnice S. Most, Lječilišta «Gata», apoteka, te uvezanih privatnih ambulanti u Kantonu, Služba za socijalnu medicinu izradit će:

- Analizu zdravstvenog stanja za Unsko-sanski kanton za prethodnu godinu.
ROK: mjesec juni 2018. godine.
- Informacije za potrebe Ministarstva zdravstva o različitim zdravstvenim problemima, a na osnovu podataka zdravstvene statistike.
ROK: po potrebi.
- Nacrt mreže vanbolničkih ustanova na Unsko - sanskom kantonu.
- Te sprovesti obilježavanje važnijih datuma prema preporuci Svjetske zdravstvene organizacije.

Naučno - istraživački rad

Temeljiti će se na:

- Praćenju i istraživanju riziko faktora za masovna nezarazna oboljenja.
- Izradi projekata istraživanja o potrebama promocije zdravlja za omladinu.
- Istraživanju zdravstvenih problema treće životne dobi.
- Drugim, po potrebi, naučno istraživačkim radovima bitnim za Vladu kantona.

ROK: tokom čitave godine prema potrebi, a u skladu sa finansijskom podrškom Vlade

Unsko-sanskog kantona i Zavoda za zdravstveno osiguranje.

Edukaciju

Zavod predstavlja nastavnu bazu za edukaciju zdravstvenih kadrova svih profila, a ujedno i centar za

koordinaciju i implementaciju medicinske i zdravstvene edukacije **sa sljedećim sadržajima:**

1. MEDICINSKOM EDUKACIJOM koja podrazumijeva:
 - kontinuiran nastavak edukacije zdravstvenih statističara iz oblasti statističkog izvještavanja prema Zakonu o evidencijama iz oblasti zdravstva FBiH („Službene novine FBiH“ broj: 37/12); edukacije će biti organizirane u suradnji sa Zavodom za javno zdravstvo FBiH.
 - planiranje edukacije mrtvozornika - doktora medicine prema Pravilniku o načinu pregleda umrlih, te utvrđivanja vremena i uzroka smrti („Službene novine FBiH“ broj: 79/13); edukacije

će biti organizirane u suradnji sa Zavodom za javno zdravstvo FBiH.

- obavljanje pripravničkog staža za SSS, VŠS i VSS
2. ZDRAVSTVENOM EDUKACIJOM I PROMOCIJOM ZDRAVLJA *koja podrazumijeva:*
- promociju zdravlja namijenjenu općoj populaciji u skladu sa aktuelnim zdravstvenim problemima na području Kantona. Podizanje svijesti stanovništva o zdravim stilovima života što ima za cilj prevenciju kardiovaskularnih oboljenja, bolesti ovisnosti i dr.
 - aktuelni zdravstveni odgoj,
 - anketiranje o znanju, praksi i stavovima o specifičnim zdravstvenim problemima,
 - obilježavanje važnijih datuma prema kalendaru Svjetske zdravstvene organizacije,
 - edukaciju profesionalaca iz oblasti promocije zdravlja,
 - i druge zadatke vezane za promociju zdravlja.

ROK: tokom čitave godine.

ZDRAVSTVENE KADROVE

Tokom cijele godine, prati se zdravstveni kadar i kadrovska situacija na Kantonu, te se Ministarstvu zdravstva daju prijedlozi i sugestije za rješavanje problema zdravstvenih kadrova i planira se rješavanje ovih problema u zdravstvu.

ROK: prati se tokom cijele godine i sa 31.12. tekuće godine sačinjava se konačni izvještaj.

MREŽU ZDRAVSTVENIH USTANOVA

Definisanje mreže zdravstvenih ustanova je obaveza koja proizilazi iz članova 82 - 107 Zakona o zdravstvenoj zaštiti FBiH („Službene novine FBiH“ broj: 46/10) i prioritetno je zadatak Kantonalnog ministarstva zdravstva.

Mreža zdravstvenih ustanova primarnog nivoa se sačinjava na nivou kantona, a prema podacima iz sadržaja zdravstveno informacionog sistema. Prijedlog mreže zdravstvenih ustanova sačinjava Zavod za javno zdravstvo kantona, te ga daje na razmatranje Ministarstvu zdravstva, nakon čega se upućuje na Skupštinu kantona na usvajanje. Zdravstvene ustanove primarne zdravstvene zaštite osnivaju se u skladu sa mrežom zdravstvenih djelatnosti, koja podrazumijeva vrste i kapacitet zdravstvenih ustanova potrebnih za osiguranje zaštite zdravlja građana na području kantona.

Konkretan zadatak Zavoda, a vezano sa ovu problematiku bio bi:

Izrada prijedloga mreže zdravstvenih djelatnosti i ustanova primarnog nivoa za područje USK uz odobrenje finansiranja programa, a na zahtjev Kantonalnog ministarstva zdravstva.

ORGANIZACIJU I PROVOĐENJE PREVENTIVNIH PROGRAMA

Pored redovitih programa Zavod je u obavezi organizirati i provoditi određene preventivne programe, ukoliko se za tim ukaže potreba, a shodno aktuelnoj zdravstvenoj problematici. Potreba za preventivnim programima se procjenjuje na osnovu zdravstvenog stanja koje se kontinuirano prati, a naročito kod pogoršanja zdravstvene situacije, vezano za pojavu neke bolesti u epidemijskoj formi, kod pogoršanja ekološke situacije koja se nepovoljno odražava na stanje zdravlja ili kod pojave nekog zdravstvenog problema koji ima javno zdravstveni značaj. Iza odluke za organizaciju i sprovođenje programa treba da stoji Kantonalno ministarstvo koje na prijedlog Zavoda odobrava sredstva, aktere i sadržaj programa i da iste sprovodi po operativnom planu uz korektnu evaluaciju.